



MEMORIA XUSTIFICATIVA DO CONVENIO DE COLABORACIÓN ENTRE A CONSELLERÍA DE PRESIDENCIA, XUSTIZA E DEPORTES E A SOCIEDADE DEPORTIVA RUBIÁN PARA A ADQUISICIÓN DUN TRACTOR CORTACÉPEDE PARA O MANTEMENTO DAS INSTALACIÓNS DEPORTIVAS

(1) Departamento que tramita o convenio:

A Consellería de Presidencia, Xustiza e Deportes é o departamento encargado de xestionar as competencias atribuídas á Comunidade Autónoma de Galicia, en materia de deportes, de conformidade co previsto no Decreto 136/2024, do 20 de maio, polo que se establece a estrutura orgánica da Consellería de Presidencia, Xustiza e Deportes (DOG núm. 101 do 27 de maio).

(2) Antecedentes:

Conforme ao establecido no Estatuto de Autonomía de Galicia, a Comunidade Autónoma galega asume a competencia exclusiva en materia de promoción do deporte (artigo 27.22), correspondéndolle á Consellería de Presidencia, Xustiza e Deportes, as competencias de elaboración, proposta e execución da política do goberno galego en materia de deportes, conforme ao establecido no Decreto 136/2024, do 20 de maio, polo que se fixa a estrutura orgánica da Consellería de Presidencia, Xustiza e Deportes.

A Sociedade Deportiva Rubián é unha organización sen ánimo de lucro, constituída o 25/07/1996 e inscrita no Rexistro de Entidades Deportivas de Galicia, con domicilio na Avda. De Galicia, número 25 do Concello de Bóveda (Lugo) e adicada á promoción do deporte, en particular o fútbol, na comarca de Monforte.

A dita entidade agrupa a xogadores e organiza actividades dirixidas á xuventude da comarca.

(3) Finalidade:

Para os efectos sinalados, tense previsto formalizar coa Sociedade Deportiva Rubián o instrumento convencional a que se refire a presente memoria, cunha duración que abrangue dende a súa sinatura ata o 31 de decembro de 2025.

(4) Obxecto do convenio:

Este convenio ten por obxecto fixar as liñas de colaboración entre a Consellería de Presidencia, Xustiza e Deportes e a Sociedade Deportiva Rubián para a adquisición dun tractor cortacésped para acadar un mantemento axeitado das instalacións deportivas, de xeito que as condicións do uso do seu campo de fútbol de herba natural sexan as correctas para os adestramentos e para poder realizar competicións deportivas.





(5) O instrumento convencional que se pretende asinar fundaméntase no seguinte:

A Sociedade Deportiva Rubián manifestou a necesidade de asistencia por parte da Consellería de Presidencia, Xustiza e Deportes para a adquisición dun tractor cortacésped co obxectivo de poder levar a cabo o mantemento das súas instalacións deportivas.

A solicitude fundaméntase na necesidade de responder de contado ante a situación na que se atopa o estado do terreo, que empezaba a repercutir negativamente na práctica do fútbol, incrementando o risco de lesións e afectando á calidade dos adestramentos e competicións, factores fundamentais para a formación deportiva dos usuarios. A Entidade, que agrupa a xogadores e organiza actividades dirixidas á xuventude da comarca, detectara fai tempo unha serie de deficiencias no mantemento do céspede natural. A maquinaria previamente utilizada, debido á súa antigüidade, presentaba avarías constantes, incremento de gastos de reparación e era un obstáculo para una conservación adecuada do campo. A adquisición deste equipamento permitirá un corte uniforme e preciso, adaptándose ás necesidades específicas dun terreo de xogo de céspede natural. Este tractor cortacésped reduce de maneira significativa o tempo adicado ás tarefas de sega e permite optimizar os recursos humanos dispoñibles e garantir unha maior frecuencia nas labores de mantemento.

Non cabe dúbida da necesidade inmediata de adquirir o tractor cortacésped, co obxectivo de que a Entidade Deportiva sen ánimo de lucro adicada á promoción do deporte, en particular o fútbol, na comarca de Monforte, poida manter a operatividade e continuar desenvolvendo as súas funcións coa debida eficacia.

Por todo o anterior, resulta preciso a renovación do equipamento de cortacésped destinado ao mantemento do terreo de xogo.

A Entidade Deportiva manifestou necesidade de asistencia por parte da Consellería de Presidencia, Xustiza e Deportes da Xunta de Galicia para o financiamento da compra do tractor cortacésped mediante a concesión dunha subvención polo 100% do importe do cortacésped que ascende á cantidade de 4.999, 01 euros.

A falta de recursos da Entidade Deportiva para poder acometer as devanditas actuacións, configura un contexto do cal se derivan, entre outras consecuencias, a imposibilidade de afrontar os compromisos económicos que a execución da actuación obxecto de subvención representa para a Sociedade Deportiva.

Así pois, este convenio de colaboración responde ao interese público e social que representa a acción de fomento da Consellería de Presidencia, Xustiza e Deportes respecto da execución dunhas actuacións necesarias para o normal funcionamento da Entidade Deportiva, que lle permitan exercer as súas competencias, como é a promoción do deporte.

A conxuntura descrita, a necesidade de asistencia manifestada pola Sociedade Deportiva Rubián e o obxectivo da actuación, así como a existencia de crédito adecuado e suficiente para a súa aplicación eficaz no restablecemento do estado de conservacións das instalacións deportivas sobre as que se actuará a través do convenio que se pretende subscribir, acreditan a existencia de razóns de interese público que xustifican o feito de recorrer ao procedemento excepcional de concesión directa dunha subvención a favor da Sociedade Deportiva Rubián.





Incorpórase ao expediente declaración xustificando a imposibilidade de promover a concorrência pública, de acordo co establecido no citado artigo 26.2º.

(6) Importe e aplicación orzamentaria:

Para dar cumprimento aos obxectivos deste convenio a Consellería de Presidencia, Xustiza e Deportes, a través da Secretaria Xeral Técnica, achegará a cantidade de CATRO MIL NOVECIENTOS NOVENTA E NOVE EUROS CON UN CÉNTIMO (4.999,01 €), con cargo á aplicación orzamentaria 05.01.121A.781.0 (código de proxecto 2015 00121).

Esta cantidade representa o 100% do orzamento total do proxecto que constitúe o obxecto deste convenio.

(7) Polo exposto, considérase xustificada a utilización do instrumento do convenio para articular as actuacións de referencia, quedando o dito convenio fóra do ámbito de aplicación da Lei 9/2017, de 8 de novembro, de contratos do sector público, con independencia de que, ao abeiro do previsto no artigo 4 da dita norma, lle sexan de aplicación os principios desta lei para resolver as dúbidas e lagoas que se poidan presentar.

Santiago de Compostela, data da sinatura dixital

O secretario xeral técnico

Francisco Javier Abad Pardo

